



Concello da Coruña

Anotada en el Libro de Resoluciones de la Junta de Gobierno Local, con el núm: RES/AYT/21028/2023 27/10/2023

Area / Unidade RR.HH PE0000 MJIB	Documento 10817I0BKA	
Código de verificación  6H5L 3W0B 4J3O 1J59 0FIO	Expediente 108/2023/1694	
	Data 23-10-2023	

Asunto: Cobertura, en comisión de servicios, do posto de xefatura de servizo de Atención Cidadá e Interior (ref. posto 1940).

RESOLUCIÓN

ANTECEDENTES DE FEITO

Primeiro.- O coordinador xeral da Área de Economía e Planificación Urbana, con data 21/09/2023, remite ao Servizo de Recursos Humanos unha solicitude de convocatoria pública para a cobertura, mediante comisión de servizos, do posto de xefatura de servizo de Atención Cidadá e Interior, nº referencia 1940 da RPT.

Dita petición fundamentase en que actualmente está vacante o posto de xefatura do servizo de Atención Cidadá e Interior, posto que é central na organización municipal é imprescindible a súa cobertura polo seu carácter estrutural e transversal. Este posto de traballo ten encomendadas, entre outras, funcións de atención cidadá á veciñanza, co obxectivo de orientar á propia organización para dar satisfacción aos dereitos, inquietudes e demandas da cidadanía, así como todas as funcións de xestión ordinaria que ten asignada a persoa responsable do servizo.

Segundo.- O día 21/09/2023 o Servizo de Recursos Humanos publica un anuncio de convocatoria para a cobertura temporal, do seguinte posto de traballo:

1. Xefatura de Servizo de Atención Cidadá e Interior nº 1940.

No citado anuncio, indícase que o persoal funcionario de carreira, que conforme a RPT vixente e as normas de xestión, reúnan os requisitos necesarios para a ocupación de este posto de traballo e que queiran participar nesta convocatoria, deberán presentar a correspondente solicitude nun rexistro municipal ou na sede electrónica, acompañada dun currículo, no prazo de 5 días hábiles, a contar desde a publicación deste anuncio.

Terceiro. As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Cod.Un. Org.	Unidade Org.	Ref. posto	Posto de traballo	Gr.	N	Escala	Element. Espec.	FP	Adm.
At. Cidadá e Int	IT0000	At. Cidadá e Int	1940	Xefatura Servizo	A1	28	AX/AE	FR14 ED	CE	TD

CONSIDERACIÓNS LEGAIS E TÉCNICAS

Primeira.- O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reserváraselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Así mesmo, o artigo 30 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da CCAA de Galicia e das entidades públicas instrumentais integrantes do sector público autonómico, establece que o persoal funcionario de carreira con destino definitivo poderá ocupar, excepcionalmente e de maneira temporal, un posto de traballo en comisión de servizos de carácter voluntario sempre e cando pertenza ao corpo ou escala e reúna os demais requisitos que estableza a correspondente relación de postos de traballo.

As comisións de servizos poderán acordarse, entre outros supostos, para desenvolver un posto de traballo cando estea vacante; entendendo que un posto está vacante cando non ten titular, cando o seu titular estea ocupando outro posto en comisión de servizos ou cando estea de permiso por parto, permiso por adopción, garda con fins de adopción ou acollemento, ou permiso do proxenitor diferente da nai biolóxica por nacemento, acollemento, garda con fins de adopción ou adopción dun fillo ou filla.

O posto da RPT nº 1940, de xefatura do servizo de Atención Cidadá e Interior, actualmente atópase vacante.

Segunda.- Unha vez examinadas as solicitudes recibidas e os CV dos candidatos presentados, o xefe de Servizo de RR.HH. co conforme do coordinador xeral da Área de Economía e Planificación Urbana, en informe de data 18/10/2023 con código de verificación 435K030A6Z2H1I150L7M, emiten unha proposta de nomeamento de Don Francisco Rey Rodríguez, en comisión de servizos, no posto de xefatura de servizo de Atención Cidadá e Interior (nº ref. 1940).

Terceira.- Cómpre indicar, en relación á motivación da adxudicación dun posto en comisión de servizos á persoa considerada máis idónea, a sentenza nº 472/2022 do 1 de xuño de 2022 do Tribunal Superior de Xustiza de Galiza, a cal establece que ao tratarse dun sistema excepcional e temporal non require un proceso de selección ordinario no que exista unha publicación dun baremo e unha valoración provisional de méritos. A comisión de servizos é unha vía excepcional de provisión temporal dun posto de traballo cuxa cobertura resulta necesaria e urxente a través da designación do persoal funcionario de carreira que resulte idóneo e cumpra as esixencias para o seu eficiente desempeño. Por tanto, esa nota de urxencia e idoneidade, outórgalle un plus de discrecionalidade á Administración convocante, respectando sempre os principios de igualdade, mérito e capacidade.

Considerando a urxente necesidade de cobertura do posto de de xefatura de servizo de Atención Cidadá e Interior, (nº ref. 1940) e co fin de que non se produza discontinuidade no funcionamento do Servizo de Atención Cidadá e Interior, e tendo en conta o disposto nos arts. 81 e 84 do Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 101 da Lei de Bases de Réxime Local e o art. 96 e ss da Lei 2/2015, de 29 de abril, do emprego público de Galicia e o art. 3 do Decreto da Xunta de Galicia 93/1991 de 20 de marzo e demais normas concordantes,



Concello da Coruña

así como que o funcionario proposto reúne os requisitos, procede destinar a Don Francisco Rey Rodríguez, en comisión de servizos, ao posto de traballo de de xefatura de servizo de Atención Cidadá e Interior co número 1940 na RPT.

Cuarta.- Esta comisión de servizos ten carácter temporal e a súa duración será ata dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, o citado funcionario volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Cod.Un. Org.	Unidade Org.	Ref. posto	Posto de traballo	Gr.	N	Escala	Element. Espec.	FP	Adm.
At. Cidadá e Int	IT0000	At. Cidadá e Int	1940	Xefatura Servizo	A1	28	AX/AE	FR14 ED	CE	TD

Quinta. O posto de orixe de Don Francisco Rey Rodríguez, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Mus. Cient.	MC1200	Xest. Admva. MC	Xef. Admon. MM.CC.	504	A1/A2	24	AX/AE	FR11 ED

O citado funcionario actualmente encontrase ocupando en comisión de servizos o seguinte posto de traballo, concedido por Resolución do Concelleiro delegado de Economía, Facenda e Réxime Interior (por delegación da Xunta de Goberno Local), de data 10/03/2022:

Servizo	Código	Unidade Org.	Posto	Ref.Posto	G	N	Esc	C.E.
Conc. e Patrim. Mun	PT0000	Concesións e Patrimonio Municipal	2174	Xef. Servizo	A1	28	AX/AE	FR14 ED

Sexta.- Os custos que xenere esta comisión de servizos atópanse orzados no grupo de programa 920, existindo crédito adecuado e suficiente para iso.

Sétima.- O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 05/07/2023 (BOP nº 131 de 11/07/2023), atribúese delegación xenérica en materia de xestión de persoal ao concelleiro delegado de Economía, e Planificación Urbana.

Á vista do informe emitido polo Servizo de Recursos Humanos, o Concelleiro responsable da Área de Economía e Planificación Urbana por delegación da Xunta de Goberno Local do 05/07/2023 (BOP núm. 131 do 11/07/2023), en uso das facultades que ten conferidas,

RESOLVE:

1. Finalizar, con efectos do día anterior a sinatura da acta de aceptación do posto descrito no punto 2, a comisión de servizos concedida a Don Francisco Rey Rodríguez (NIF ***0683**) por Resolución do concelleiro

delegado de Facenda e Administración (por delegación da Xunta de Goberno Local) de data 10 de marzo de 2022, no posto de xefatura de servizo de Concesións e Patrimonio Municipal nº 2174.

2. Destinar a Don Francisco Rey Rodríguez (NIF ***0683**), en comisión de servizos, ao posto de xefatura do servizo de Atención Cidadá e Interior (nº ref. 1940).

As características do posto a ocupar son as descritas na seguinte táboa:

Servizo	Cod.Un. Org.	Unidade Org.	Ref. posto	Posto de traballo	Gr.	N	Escala	Element. Espec.	FP	Adm.
At. Cidadá e Int	IT0000	At. Cidadá e Int	1940	Xefatura Servizo	A1	28	AX/AE	FR14 ED	CE	TD

Os efectos económicos e administrativos desta comisión de servizos serán os do día da formalización da correspondente acta de aceptación.

3.- Esta comisión de servizos ten carácter temporal e a súa duración será dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, o citado funcionario volverá ao seu posto de orixe en caso de non obter este posto con carácter definitivo polos sistemas legalmente establecidos.

4.- Notificar a presente resolución ao interesado e ao coordinador xeral de Economía e Planificación Urbana.

A Coruña, na data da sinatura electrónica deste documento

A XUNTA DE GOBERNO LOCAL, P.D.

Concelleiro delegado responsable da Área de Economía e Planificación Urbana

José Manuel Lage Tuñas